

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKI NAČELNIK
Broj: 01/2-05-89- 95/12.
Živinice, 27.01.2012.godine

Na osnovu člana 59. Statuta Općine Živinice-prečišćen tekst („Službeni glasnik Općine Živinice“ broj: 4/01), a u vezi sa tačkom IX. Odluke o stipendijama učenika srednjih škola i studenata dodiplomskog studija koje se dodjeljuju iz budžeta općine Živinice („Službeni glasnik općine Živinice“ broj:10/11), Načelnik općine Živinice raspisuje

K O N K U R S
za dodjelu stipendija učenicima srednjih škola za školsku 2011./12. godinu

I.

Raspisuje se Konkurs za dodjelu stipendija učenicima srednjih škola sa područja općine Živinice u školskoj 2011./12. godini.

II.

U školskoj 2011./12. godini dodijelit će se 48 stipendija učenicima u mjesečnom iznosu od 50,00 KM, odnosno 500,00 KM za školsku godinu.

III.

Pravo na dodjelu stipendije imaju državljani Bosne i Hercegovine koji imaju status redovnog učenika srednje škole pod sljedećim uslovima:

- da ima mjesto prebivališta na području općine Živinice,
- da je u tekućoj školskoj godini prvi put upisao određeni razred srednje škole,
- da ne prima stipendiju, kredit ili nagradu od drugog davaoca ili po drugom osnovu.

IV.

Od ukupnog broja stipendija namijenjenih učenicima broj korisnika utvrđuje se prema sljedećem omjeru:

I razred15 % od ukupnog broja korisnika,
II razred 20 % od ukupnog broja korisnika,
III razred 25 % od ukupnog broja korisnika,
IV razred40 % od ukupnog broja korisnika.

V.

Lista dobitnika stipendije koji ispunjavaju uslove iz tačke II, utvrđuje Komisija za provođenje konkursa za dodjelu stipendija, formirana od Općinskog načelnika na osnovu sljedećih kriterija:

- | | | |
|---|----|------------|
| 1. uspjeh u učenju u prethodnom razredu | do | 30 bodova, |
| 2. materijalni položaj | do | 35 bodova, |
| 3. socijalni položaj | do | 35 bodova, |

VI.

Kod ostvarenog istog broja bodova na rang listi, prednost kandidata se ostvaruje po sljedećem redosljedu:

1. učenik iz porodice šehida ili poginulog borca,
2. učenik bez roditeljskog staranja,
3. učenik iz porodice civilne žrtve rata,
4. učenik iz porodice RVI sa procentom invalidnosti od 60-100%,
5. učenik iz porodice demobilisanih boraca Armije BiH, HVO i MUP-a,
6. učenik slabijeg materijalnog stanja.

VII.

Uz prijavu na konkurs za dodjelu stipendije treba priložiti sljedeće:

- uvjerenje o državljanstvu,
- potvrdu o mjestu prebivališta,
- uvjerenje da je prvi puta upisao odgovarajući razred srednje škole o statusu redovnog učenika,
- potpisanu izjavu da ne prima stipendiju, kredit ili nagradu od drugog davaoca.

O ispunjavanju uslova iz tačke IV priložiti sljedeće:

Za kriterij „uspjeh u učenju“ priložiti:

- uvjerenje o utvrđenom prosjeku ocjena za prethodno završenu školsku godinu,
- uvjerenje o utvrđenom prosjeku ocjena za učenike I razreda, za razrede V, VI, VII i VIII razreda.

Za kriterij „materijalni položaj“ priložiti:

- kućnu listu, ovjerenu od nadležne općinske Službe za upravu;
- poresko uvjerenje za roditelje, izdato od Ispostave porezne uprave da se ne vodi kao porezni obaveznik;
- uvjerenje sa Biroa za zapošljavanje za sve nezaposlene članove domaćinstva, ukoliko se ne vodi na Birou za zapošljavanje, uvjerenje Porezne uprave FBiH Ispostava porezne uprave;
- platne liste o primanjima članova domaćinstva, prosjek za tri zadnje isplaćene plaće ili ček od penzije;
- uvjerenje o statusu korisnika socijalne pomoći, Centar za socijalni rad.

Za kriterij „socijalni položaj“ priložiti:

- za učenike članove porodice šehida i poginulih boraca - zadnje rješenje prvostepenog organa ili reviziono rješenje o utvrđivanju prava po osnovu člana porodica šehida i porodica poginulog borca, Služba za BIZ-a i raseljenih osoba;
- za učenike bez roditeljskog staranja- rješenje Centra za socijalni rad;
- za učenike članova porodice civilnih žrtava rata- dokaz o statusu civilnih žrtava rata, Cenar za socijalni rad;
- za učenike članove porodice RVI – rješenje o utvrđivanju prava na mjesečni novčani dodatak po osnovu člana porodice RVI, Služba za BIZ-a i raseljenih osoba;
- za učenike, članove porodice demobilisanih boraca – uvjerenje o pripadnosti oružanim snagama BiH (Odjeljenje odbrane).

VIII.

O dodijeljenoj stipendiji zaključuje se Ugovor o stipendiji kojim se bliže uređuju međusobna prava i obaveze davaoca i korisnika stipendije.

IX.

Prijave na konkurs sa potrebnom dokumentacijom predaju se na protokol u Centar za pružanje usluga građanima općine Živinice / šalter salu, Službi za opću upravu i društvene djelatnosti općine Živinice na posebnom obrascu.

Obrazac prijave na konkurs i obrazac izjave da kandidat ne prima stipendiju, može se preuzeti na Info pultu u Centra za pružanje usluga građanima / šalter sali općine i na web stranici općine Živinice.

Dokumenti koji se prilažu uz prijavu na konkurs moraju biti originalni ili ovjerene kopije. Konkurs ostaje otvoren 15 dana, od dana objavljivanja.

Nepotpune i neblagovremene prijave neće se uzeti u razmatranje.

MH

Dostavljeno:

1. Oglasne table općine Živinice 2x,
2. TV Živinice,
3. Web stranica općine Živinice,
4. Dnevne novine,
5. a/a.


Općinski načelnik
mr. C. Hasan Muratović